

# MUKANDA WA NJENESI

1 HATACHI Nzambi wa leñeli ni mawulu ni maseki. 2 Maseki a diñi akadi ni mu yayawu, a diñi amukunkulu ; hewulu denyini ha diñi mwidima. Spiritu wa Nzambi wa diñi na ku \*hitahita hewulu da meji. 3 Nzambi wa hosheli nindi, Mu chi. Mu cha nu ku cha to-o. 4 Nzambi wa mwensi kucha nindi ku na wahi ; Nzambi wambwili kucha na mwidima. 5 Nzambi wa tumbili kucha nindi, Ifuku, ni mwidima wa wu tumibili nindi, Wufuku. Kwila ni melela, kwila ni ntetemena, ifuku dimu.

6 Nzambi wa hosheli nindi, Mukachi ka meji mwili luzwizu, lwambuli meji na meji. 7 Nzambi welili luzwizu, wambwili meji, awa kwishina da luzwizu, awa kwiwulu da luzwizu ; chila nu kwila. 8 Nzambi wa tumbili luzwizu ijina, nindi, Iwulu. Kwila ni melela, kwila ni ntetemena, ifuku da muchiyedi.

9 Nzambi wa hosheli nindi, Meji a di mwishina dewulu a pompi kwawu kumu, hawuma ha mwekani. Chila nu kwila. 10 Hana hawuma Nzambi wa tumbiluhu ijina, nindi, Maseki ; kwa pompeleli meji wa tumbiluku ijina, nindi, Majiya : Nzambi wa mwensi nindi chi na wahi. 11 Nzambi wa hosheli nindi, Ha maseki ha meni ni matahu a munyenvu, ni nsachi ja soñaña mbetu, ni nyitondu ya soñaña nyikabu yikweti nyisoka yayu, iwu na mwawu, iwu na mwawu, ha maseki : chila nu kwila. 12 Ha maseki ha meneni ni matahu a munyenvu, ni nsachi ja soñaña mbetu, iyi na mwawu, iyi na mwawu, ni nyitondu ya soñaña nyikabu yikweti nyisoka yayu, iwu na mwawu, iwu na mwawu ; Nzambi wa yi mwensi nindi yayiwhi. 13 Kwila ni melela, kwila ni ntetemena, ifuku da muchisatu.

\* hela, butamena.

14 Nzambi wa hosheli nindi, Ha luzwizu lwa hewulu hekali yuma ya ku toñeka kulonda kwambula ni mwaana ni wufuku ; ya kekali ni ya yinjikijilu, ni ya yilaaka, ni ya mafuku, ni ya nyaka : 15 ya kekali ya ku toñeka ha luzwizu lwa hewulu, ya ka toñeki hanu ha maseki to-o : chila nu kwila. 16 Nzambi welili yuma yamaneniyi yediyi ya ku toñeka ; cha sveja ku toha cha kekali mwanta wa ha mwaana, cha kehaku cha kekali mwanta wa ha wufuku ; welili ni tutumbwa nawa. 17 Nzambi wa shili yumiyi ha luzwizu lwa hewulu kulonda ya ka toñeki chejeji ha maseki to-o, 18 ya kekali na wanta ni wa mwaana ni wa wufuku, na kwambula ni kucha ni mwidima : Nzambi wa chi mwensi nindi chi na wahi. 19 Kwila ni melela, kwila ni ntetemena ifuku da muchiwana.

20 Nzambi wa hosheli nindi, Mu meji mu kumini da ku lumbama yendu ya yuma yendaña yikweti wumi, ni atujila a tuuki hewulu da maseki hejima ha hita luzwizu lwa hewulu. 21 Nzambi wa leñeli anyama amenanen a mu meji, ni yuma yejima yendaña yikweti wumi, ya lumbamini mu meji, ha nyichidi, ha nyichidi, ni atujila akweti mpula, ha muchidi, ha muchidi : Nzambi wa chi mwensi nindi chi na wahi. 22 Nzambi wa yi kiswili nkisu, nindi, Semununenu mu vuleña, inzeshenu mu meji a mu majiya ni atujila a vulefia ha maseki. 23 Kwila ni melela, kwila ni ntetemena, ifuku da muchitanu.

24 Nzambi wa hosheli nindi, Ha maseki hediki yuma yikweti wumi, ha muchidi, ha muchidi, ni ayimuna, ni yuma ya zalalaña, ni anyama a mu mpata, ha muchidi, ha muchidi : chila nu kwila. 25 Nzambi welili ni anyama a mu mpata ha muchidi, ha mu-

chidi, ni ayimuna ha muchidi ha muchidi, ni yuma yejima ya zalalaña ha maseki ha muchidi, ha muchidi : Nzambi wa chi mweni nindi chi na wahi. 26 Nzambi wa hosheli nindi, Tu mwilenu muntu neyi chi twekala etu, a difwani nanetu ; a kekali mwanita ni wa wanshi a mu kalufalwiji, ni wa watujila a ha luzwizu, ni wa wanyama, ni weseke dejima, ni wa yuma yejima ya zalalaña, yina yi ku zalala ha maseki. 27 Nzambi yo leña nu ku leña muntu neyi chekayi yomweni, chochekalayi Nzambi dichi cha mu leñeliy ; wa yi leñeli n'iyala ni mumbanda. 28 Nzambi wa yi kiswilili nkisu, Nzambi ha ku yila nindi, Semununenu, mu vuleña, mu wanini heseki, mu dovvahishi : ikalenu anyanta ni a wanshi a mwijiyi, ni a watujila a ha luzwizu, ni a yuma yejima yayumi yendaña ha maseki. 29 Nzambi wa hosheli nindi, Talenu, na yinki nsachi jejima ja soñaña mbantu jekala hejima ha hita maseki, ni nyitondu yejima yikweti nyikabu ya mutondu wukweti nyisoka ya kela ya kudya yenu. 30 Ni anyama ejima a mu mpata, ni atujila a ha luzwizu ejima, ni yuma ya zalalaña ha maseki yejima yikweti wumi, na yinki nyitondu yituta yejima ya kudya yawu : chila nu kwila. 31 Nzambi wa mweeni yuma yejima yeliliy nindi yi na wahi nankashi. Kwila ni melela, kwila ni ntetemena, ifuku da muchitanu na dimu.

**2** NI mawulu ni maseki a yi hwi-shili lukombu ejima, mu yi kuma. 2 Hefuku da muchitanu na chiyedi Nzambi wa kumishili mudimu windi welialayi ; hefuku da muchitanu na chiyedi wa lekeli mudimu windi wejima welialayi. 3 Nzambi wa kiswilili nkisu ifuku da muchitanu na chiyedi, yo di jilika nu ku di jilika : muloña hefuku odu hoha lekeliyi mudimu windi wejima wa ku leña, weliliyi.

4 Jeniji dijinsaňu ja ku leña ni mawulu ni maseki ha yi leñeluwu, mwifuku deliliyi Yehova Nzambi ni maseki ni mawulu. 5 Henohu ha maseki kanda dehi hekali nyitondu ya mu mahaku, ni nsachi ja mu maha kanda ji balukuku : muloña Yehova Nzambi henohu kanda dehi a no-keshi nvula ha masekuku, hi kwa diňi ni muntu wa ku dima hesekuku ;

6 ilaňa mbundu ya diňi na ku kakumuka ha maseki, na ku zowesha hejima ha hita iseki. 7 Yehova Nzambi wa wumbili muntu na lunkuňu Iwa maseki, wonenumu mu mazulu indi muya wa wumi, muntu ha kwikalalwevulu wa ku handa. 8 Yehova Nzambi wa tumbili iha ku Musela, mu Edeni ; mwomwa shiliyi muntu wa wumbiliyi. 9 Yehova Nzambi wa balwihili ha maseki nyitondu yejima yikweti lubanji ku yi tala, yayiwahi ni ku yi dya ; ni mutondu wa wumi mukachii keha, ni mutondu wa mana amawahai na mana atama. 10 Mu Edeni mwa fumini kalofia ka ku twala meji mwiha ; kwokwenoku, hi ka kwamboka nu kwamboka hi ka kwila tulona tuwana. 11 Ka ku sambilia ijina dindi Pishoni, yo wa hita na ku nyeñumuka mpata yejima ya Havila, diku kwekala wuru ; 12 wuru ya mpata yina yayiwahi ; kwekala ni \*bedolachi ni fshohama. 13 Kalofia ka muchiyedi ijina dindi Gihoni, yo wa hita na ku nyeñumuka mpata yejima ya Kushi. 14 Kalofia ka muchisatu ijina dindi Hidekeli, yo wa hita kwakwihi na Asiriya. Kalofia ka muchiwana diyi Yufurati. 15 Yehova Nzambi wa tweli muntu, yo mu sha ni mwiha da Edeni nindi ka di dimi, ka di hembi chachiwahi. 16 Yehova Nzambi wa mu lejeli muntu nindi, Nyitondu yejima ya mwiha wu ku dyo tuhu ; 17 ilaňa mutondu wa mana amawahai na mana atama eyi bayi wa ka wi dyaku : muloña ifuku di wa ka dyo chalala wa ka fwa.

18 Yehova Nzambi welili nindi, Hi chi na wahi iyala ku shakama kanka winduku ; nu ku mwilila nkwashii wa difwanayi nindi, 19 Yehova Nzambi wa wumbili na maseki ni anyama ejima a mu ñiawu, ni atujila ejima a ha luzwizu, wa yi tweli ni kudi muntu a tali mwa ku yi tumbayi majina : yuma yejima yikweti wumi majina ejima a yi tumbiliyi muntu wo majin'awu. 20 Muntu yo yi tumba nu ku yi tumba majina ni ayimuna ejima ni atujila a ha luzwizu ni anyama ejima a mu mpata ; ilaňa hi kwa mwekeni nkwashii ya muntu wa difwanayi ninduku. 21 Yehova Nzambi wa mu kamikili muntu tulu twa-

\* kwiji hi wupombu indi kwiji hi mperola yitooka.

† hi ilola dadiwahi.

tweni swa-taka, wa kamini tulu; ha ku mu nona lubavu lwindi lumu, yo ayakeshamu cheñi ni musunyi mu lwa diñi, la-a; 22 lubavu olu lwa fumishiliyi Yehova Nzambi mudi muntu wa tunili nachu mumbanda, ha ku mu twala ni kudi muntu. 23 Kuchinka muntu, nindi, Iwu neli dehi ifwaha dami, neli dehi musunyi wami: a ka mu tena nawu \*Mumbanda, na-nochu cha mu fumishiluwu mudi \*Iyala. 24 Ndichi cha ku shiyilayi iyala ni tata yindi ni mama yindi na ku mu kakela ifiodindi; ni wena a kela musunyi wumu. 25 Mwayedi wawu a diñi nzekesi, ni muntu ni ifiodindi, hi ya tiyili nsonyuku.

**3** HA di anyama ejima a mu mpata eliliyi Yehova wa diñi wa sveja ku babala yowu kapela. Yena ha ku mwila mumbanda, nindi, Chalala, Nzambi na hoshi nindi, Nyitondu yejima ya mwiha bayi mwa ka yi dyaku, tahindi? 2 Kuchinka mumbanda ha ku mwila kapela, nindi, Nyikabu ya nyitondu ya mwiha tu ku twesa ku dya tuhu, 3 hakwinza dinu nyikabu ya mutondu wekala mukachi keha, Nzambi na hoshi nindi, Bayi mwa ka yi dyaku, hela ku kwataku nehi, mwa kenda ka fwa. 4 Kutiya kapela ha ku mwila mumbanda, nindi, Chalala, hi mwa ka fwaku; 5 muloña Nzambi neluki nindi ifuku di mu ku dya, mesu enu a ka tona mwa ke-kala neyi cha diyi Nzambi, mwa keluka ni kuwaha ni kutama. 6 Mumbanda cha mweniyi mutondu wu na wahi ku wi dya, ku wu tala wa ku tiyisha kuwaha, mutondu owu wu na wahi dehi wa ku heta nachu mana, ha ku kumunaku ni nyikabu, ha kudya nu ku dya, yo mwinkaku ni nfumwindi a difiñi nindi, ni yena ha ku dya. 7 Mesu awu mwayedi wawu a tona nu ku tona, eluka nu kwiluka nawu tu di nzekesi; hi ya ku chima mafu a chikuyu, a tuñi nyikonzu ya ku vwala. 8 Chi da wundili itañwa a tiyili izu da Yehova Nzambi owu wu kwenda mwiha owu, ni iyala ni mumbanda hi ya ku mu batama nu ku mu batama Yehova Nzambi ku mesu indi mukachi ka nyitondu ya mwiha. 9 Yehova Nzambi ha ku mu tambika iyala, nindi, Eyi wu di kudihi? 10 Kutiya yena nindi, Na tiyi izu deyi mwiha, na tiyi woma, muloña ni

\* Isha. Mwidimi da Heberu.

di nzekesi, ni batama nu ku batama. 11 Nzambi nindi, Indi wa ku lejeli hinyi nindi wu di nzekesi? Wa dya dehi mutondu wu na ku lekesheli nami bayi wa ka dyaku, tahindi? 12 Kuchinka iyala, nindi, Mumbanda wa nyinkeli ku shakama nindi diyi wa nyinkahu wena mutondu owu, hi nu ku dya nu ku dya. 13 Yehova Nzambi ha ku mwila mumbanda, nindi, Ichi chuma chu wu neli hi chum'anyi? Kuchinka mumbanda, nindi, Kapela diyi wa ndimba ndichi na dya. 14 Yehova Nzambi ha ku mwila kapela, nindi, Chi wu neli chumichi, mukachi ka wayimuna ejima, ni mukachi ka wanyama ejima a mu mpata, eyi wa badika ku shiñewamu; wa kendela mwiviyu deyi, wa ka dyafia lunkufuñ mafuku ejima wu chi di mumi. 15 Mukachi keyeyi na mumbanda nu ku sha nkunyi, ni mukachi ka wanyaneyi na wanyanindi; a ka ku chika mutu weyi, ni neyi wa ka mu chika katutu kindi. 16 Ha ku mwila mumbanda, nindi, Na ka ku vulishila nankashi yihuñi yi wa ka mona ni Kubaba ku wa ka baba mayumu eyi; wa ka vvala anyana na ku kabakana hohu; wa ka ta muchima hadi nfumweyi, diyi wa kela mwanta weyi. 17 Ha ku mwila Adama, nindi, Chi wu na tiyi mwizu da fiodeyi na ku dya mutondu wu na ku lekesheli nami bayi wu wi dyaku, iseki a na di shiñili dehi ha mujimba weyeyi; mafuku ejima wu chidi wamumi wa ka dyaku cha ku mona yihuñi hohu; 18 da ka ku sofela ni nyifa ni nyisonsonyi; wa ka dya nyitondu ya mwiha; 19 kudyahu nshima chifa wa ka sulwila ku mesu eyi, ni chi wamba ka funta cheñi mu maseki; muloña dihu ha ku fumishiluwu: muloña eyi wu lunkuñu, nochu wa ka funta cheñi mwomu lunkuñu. 20 Iyala wa mu tumbili ifiodindi ijina dindi, nindi, Evu, muloña diyi mama ya wakwa kuhanda ejima. 21 Yehova Nzambi wa yi tuñilili ni Adama ni ifiodindi yikobelu ya chitembi, wa yi vwikili.

22 Yehova Nzambi welili nindi, Iyala neli neyi chi twekal'etu, weluka dehi ni kuwaha ni kutama; wa kenza kolola chikasa chindi, a tambuli mutondu wa wumi, a dyi, a handi hayanya. 23 Yehova Nzambi wa mwili nindi, Fumaku mwiha da Edeni